

Statuts dalla Surselva Romontscha (SR)

Approbai dalla radunonza da fundaziun dils 18 da mars 2006.

Revisiun parziala approbada dalla radunonza generala dils 27 d'uoost 2021.

<p>art. 1</p> <p>Las denominaziuns da persunas valan per omisduas schlatteinas.</p>	<p><i>Egualitad da schlatteina</i></p>
<p>art. 2</p> <p>La Surselva Romontscha (SR) ei in'uniun tenor art. 60 ss. dil Cudisch civil svizzer. L'uniun regiunala ei affliada all'uniun tetgala dalla Romontschia, alla Ligia Romontscha.</p>	<p><i>Num</i></p>
<p>art. 3</p> <p>La Surselva Romontscha cumpeglia igl intschess romontsch dalla Regiun Surselva e dil Plaun. Far part dall'uniun san era persunas domiciladas ella diaspora che sesentan ligiadas culla Surselva e cul Plaun ni culla Romontschia en general.</p>	<p><i>Territori</i></p>
<p>art. 4</p> <p>Igl intent dalla Surselva Romontscha ei da mantener e promover il lungatg e la cultura romontscha.</p>	<p><i>Intent</i></p>
<p>art. 5</p> <p>La Surselva Romontscha consista da:</p> <ul style="list-style-type: none"> • persunas singulas e persunas giuridicas • vischnaucas e pleivs • secziuns localas (cerchels culturals) • secziuns da giuventetgna • uniuns • commembers d'honor <p>La contribuziun annuala per las singulas categorias vegn fixada dalla radunonza generala. Commembers che pagan buca la contribuziun annuala piardan il commembradi.</p>	<p><i>Commembradi</i></p>

<p>art. 6</p> <p>La Surselva Romontscha promova ensemen culs collaboraturs regiunals dalla LR la fundaziun da secziuns localas e sestenta d’haver en mintga vitg ina persuna da contact (gerau da cultura / cauvitg).</p>	<p><i>Secziuns localas e cauvitgs</i></p>
<p>art. 7</p> <p>Ils organs dalla Surselva Romontscha ein:</p> <ul style="list-style-type: none"> • la radunonza generala • la suprastonza • il revisorat 	<p><i>Organs</i></p>
<p>art. 8</p> <p>Ils mieds finansials dalla Surselva Romontscha derivan:</p> <ul style="list-style-type: none"> • dalla contribuziun annuala dalla LR • dallas contribuziuns dils commembers • da donaziuns 	<p><i>Mieds finansials</i></p>
<p>art. 9</p> <p>La radunonza generala ei igl organ suprem dalla Surselva Romontscha. Ella vegn convocada silmeins ina gada ad onn. La suprastonza ni 30 commembers san pretender ina radunonza generala extraordinaria. Dretg da vuschar han commembers che han cumpleni il 16avel onn da naschientscha.</p>	<p><i>Radunonza generala</i></p>
<p>art. 10</p> <p>La radunonza generala dalla Surselva Romontscha ha liug ina ga ad onn el decuors dalla primavera ed ei da comunicar els Fegls officials silmeins 15 dis avon la radunonza. Ils commembers vegnan envidai persunalmein.</p>	<p><i>Publicaziun</i></p>
<p>art. 11</p> <p>Las incumbensas dalla radunonza generala ein:</p> <ul style="list-style-type: none"> • fixar la strategia dall’uniun • fixar il program d’activitad • eleger presidi e suprastonza • eleger il revisorat • eleger delegadas e delegai dalla LR 	<p><i>Incumbensas e cumpetenzas dalla radunonza generala</i></p>

<ul style="list-style-type: none"> • nominar la representanza ella suprastanza dalla LR • approbar il protocol • approbar il rapport da gestiun ed il rendaquen • fixar la contribuziun annuala • nominar commembers d'honor e renconuscher merets specials 	
<p>art. 12</p> <p>La perioda d'uffeci cuoza treis onns.</p>	<p><i>Perioda d'uffeci</i></p>
<p>art. 13</p> <ul style="list-style-type: none"> • La suprastanza dalla Surselva Romontscha secumpona da minimum 5 commembers. • Il president vegn eligius dalla radunonza generala, l'ulteriura suprastanza seconstituescha senza. • Il representant dalla Surselva Romontscha ella suprastanza dalla LR fa automaticamein part dalla suprastanza regionala. 	<p><i>Suprastanza</i></p>
<p>art. 14</p> <p>La suprastanza ei igl organ executiv. Ella execuescha sia lavur tenor statuts, tenor il program da lavur. El fixescha en atgna cumpetenzza il preventiv.</p> <p>Ella representa la Surselva Romontscha anoviars.</p> <p>Ella reparta la lavur en resorts e sa installar cumissiuns ni surdar incaricas specialas.</p>	<p><i>Incumbensas e cumpetenzas dalla suprastanza</i></p>
<p>art. 15</p> <p>La suprastanza vegn convocada dil parsura tenor basegns ni sche treis commembers giavischan. Las decisiuns vegnan pridas cun maioritad semplia. La suprastanza sa envidar il menader dil center regional ils collaboraturs regionalis dalla LR cun vusch consultativa allas sesidas da suprastanza.</p>	<p><i>Sesidas</i></p>
<p>art. 16</p> <p>Il quen da gestiun vegn serraus cun la fin digl onn calendar. Ils revisurs controlleschan l'administraziun e revedan il quen. Els rapportan en scret alla radunonza generala.</p>	<p><i>Revisorat</i></p>
<p>art. 17</p>	

<p>10% dils 30 commembers san inoltrar a scret ina iniziativa alla suprastonza. Quella sto vegnir tractandada alla proxima radunonza generala. Scadin commember sa recuorer tier la radunonza generala encunter ina decisiun dalla suprastonza. Iniziativa e recuors ston vegnir inoltrai silmeins treis dus meins avon la radunonza generala.</p> <p>A caschun dalla radunonza generala astgan singuls commembers inoltrar sut la tractanda varia propositas. Sut varia vegn denton priu negina decisiun. Sche necessari vegn quella proposta tractandada u en suprastonza, ni a caschun dalla proxima radunonza generala.</p>	<p><i>Iniziativa e recuors</i></p>
<p>art.18</p> <p>La Surselva Romontscha sa vegnir dissolvida cun 2/3 dallas vuschs dils presents cun dretg da vuschar. En cass d'ina dissoluziun duei la facultad dall'uniun vegnir deponida per 20 onns tier la LR. Renescha l'uniun ni vegn ina nova uniun cun intents paregliabels fundada duei la facultad vegnir surdada a quell'organisaziun. Cass cuntrari croda la facultad alla LR.</p>	<p><i>Dissoluziun</i></p>
<p>art. 19</p> <p>Quests statuts ein vegni approbai dalla radunonza da fundaziun dalla Surselva Romontscha (SR) dils 18-03-2006 a Glion.</p> <p>Els remplazzan ils anteriurs statuts dalla Romania e dalla Renania ed entran en vigur cun l'approbaziun entras la LR. Per ina revisiun totala da quests statuts basegna ei la maioritad da 2/3 dils commembers che vuschan.</p>	<p><i>Vigur e revisiun</i></p>

<p>Glion, ils 18 da mars 2006</p>	<p>Per la Surselva Romontscha:</p>
<p>Vreni Caprez parsura dil gi</p>	<p>Martin Cabalzar parsura dil di</p>

Revisiun parziala tenor decisiun dalla radunonza generala 2021

Flem, ils 27 d'uost 2021

Alberto Palaia
president

Rita Bearth
actua

[Propostas per revisiun parziala]

[Vegn strihau]

[Niev egl entir text: Surselva Romontscha scret cun R-grond]